

9. Sanchez a Re Ferdinando I.¹

Roma, 20 gennaio 1535.

XV praesentis scripsi ad M^{tem} V. ultimo per viam r^{mi} dⁿⁱ Tridentini, eodem vero die dum ego scriberem habuit consistorium S^{tas} Sua, in quo, ut ex optimo loco compertum habeo, proposuit haec verba cardinalibus: "propter causas apprime necessarias atque urgentissimas deliberavimus et proposuimus indicare concilium generale. Volumus et petimus consilium vestrum, an primo debeamus petere consensum principum christianorum". Responderunt omnes nemine discrepante nullomodo debere concilium generale celebrari, subiungentes aliquas apparentes rationes. Verum replicans illis Sua B. dixit: "Dⁿⁱ r^{mi}, v^{ideo} vos parum intellexisse mentem meam. Nos enim non consulimus, an debeat indici concilium vel ne, quia mens nostra firma est illud indicare, sed, an ad hoc faciendum debeamus primo petere consensum principum vel ne". Tunc omnes unanimiter censuerunt consensum principum debere peti atque ita est deliberatum.² Hoc enim faciunt cardinales, ut protrahant et differant negotium concilii. Quia, licet pontifex habeat in hoc bonam voluntatem, totum collegium cardinalium renititur et propterea in tractatu huius rei cavendum esset ab eis. Licet certe non possum dicere, nisi quod cardinalis Salviatus servit bene M^{ti} Vestrae.

Orig. nell'Archivio domestico, di Corte e di Stato in Vienna.
Romana, fasc. 7.

10. Papa Paolo III ad Andrea Cricius, vescovo di Plock.³

18 marzo 1535.

Venerabili fratri Andree episcopo Plocensi. Venerabilis frater salutem etc. Dudum per fe. re. Clementem papam VII predecessorem nostrum accepto, quod nonnulli partium Germanie pestifere heresis Lutherane labe respersi ad cor redeunt ad regnum Polonie ut communioni ecclesiasticae restitui possent se conferebant, dictus predecessor paternitati tue quascunque utriusque sexus tam ecclesiasticas quam seculares personas huiusmodi Lutheran[a] aut quavis alia heresi refertas undecunque existentes ad dictum regnum ut in eo habitarent pro tempore se conferentes ad veritatis lumen redire et⁴ huiusmodi heresim abiurare volentes, postquam errores suos deposuissent ac de premissis doliissent idque humiliter petiissent, si alias relapsi non

¹ Cfr. sopra, p. 32.² Da qui in poi cifrato con deciframento interlineare.³ Cfr. sopra, p. 248.⁴ Corretto da «ut».